



■ Persembahan perbarisan KTDI.

KTDI unggul Perbarisan Senam Seni

SERDANG – Penuntut baru Kolej Tun Dr Ismail (KTDI) menjuarai acara Perbarisan Program Senam Seni bersama staf pengurusan universiti sempena Minggu Perkasa Putra Universiti Putra Malaysia (UPM) sesi 2010/2011 di Bukit Ekspo UPM baru-baru ini.

Seksyen Media, Bahagian Komunikasi Korporat UPM, Mohd Faisal Md Noor berkata, program Senam Seni itu adalah antara program dalam Minggu Perkasa Putra sempena pendaftaran penuntut baru UPM sesi 2010/2011 dihadiri kira-kira 4,500 penuntut baru dari 17 kolej kediaman UPM.

“Ia turut dihadiri oleh Timbalan Naib Naib

Canselor UPM (Hal Ehwal Pelajar dan Alumni), Prof Dr Mohd Fauzi Ramlan.

“Program bertemakan ‘Semangat Menyatu Jiwa 1 UPM’ itu bertujuan memperkenalkan pihak pengurusan tertinggi UPM kepada pelajar baru serta menyemai sifat kekitaan pelajar baru UPM tanpa mengira bangsa dan agama,” katanya.

Selain acara perbarisan, program senam seni turut mempertandingkan acara kreativiti yang dimenangi Kolej Canselor sementara johan acara maskot dimenangi Kolej 6. Hadiah disampaikan Pengerusi Jemaah Pengetua UPM, Syed Agil Alsagoff.